

Folia alterna, ad extremitates ramulorum lateralium conferta, oblonga vel oblongo-lanceolata, superius communiter latiora, obtusa, integerrima, glabra utrinque, 2, 3, 4 uncialia. *Petoli* breves, subtus teretes, supra planiusculi.

Flores axillares, ex alis folioque solitarii, penduli, *pedunculis* 2-3 punctatis, filiformibus, simplicibus, unifloris.

CAE. *Perianthium* pentaphyllum, erectum: foliolis ovato-acutis, corollæ adpressis, subæqualibus, ad Nectarium duobus patentioribus, foliolo opposito Nectario ab altero latere reliquis paulo minore.

COR. pentapetala, irregularis. *α) Petala duo a latere* Nectario opposito, calyce duplo longiora, subrotunda, obtusa. *β) Petala duo lateralia* subrotunda, præcedentibus triplo majora, patula, obtusa. *γ) Petalum posterius* subrotundo-oblongum, pone elongatum in nectarium altitudine petalorum *β*.

Nectarium ex petalo ultimo, pone prominens, corolla duplo longius, subulatum, semiunciale, compressum, rectum, oblique contortum, obtusum.

STAM. *Filamenta* quinque, brevissima. *Anthera* subrotunda, connata, apice membranula connivente terminata, intus biloculares, bifariam dehilcentes: duabus versus nectarium emittentibus caudam, in cavitate nectarii, pubescenti-pilosam.

PIST. *Germen* subovatum, trigonum, sextriatum. *Stylus* filiformis, staminibus longior, superne planus, obtusus, convolutus. *Stigma* obtusum, simplex.

PER. *Capsula* globosa, sexsulcata, obsolete trigona, unilocularis, trivalvis.

SEM. duodecim circiter, oblonga, compressa, obtusa.

Color Corollæ pallide luteus. *Folia* viridi-lutea.